



Allaahumma innii ahuusu bi ka min hasaabili xabri, wa min hasaabini naari, wa min fitnatil mahyaa wal mamaati, wa min fitnatil Masiihid Dajjaali

Jële na ñu ci Abuu Hurayrata -yal na ko Yàlla dollee gérëm- mu wax ne: Yonnente Yàlla bi -yal na ko Yàlla dolli xéewal ak mucc- bu daan ñaan daan na wax: " Allaahumma innii ahuusu bi ka min hasaabili xabri, wa min hasaabini naari, wa min fitnatil mahyaa wal mamaati, wa min fitnatil Masiihid Dajjaali". Am na ci jeneen wax ci Muslim: "bu kenn ci yéen noppee ci taaya ju mujj ji, na muslu ci Yàlla ci ñent: ci mbugalum Jahannama, ak ci mbugalu bàmmeel, ak ci fitnay dund ak dee, ak ci ayu Masiihud Dajjaal ".
[Wér na] [Al-buxaariy ak Muslim dëppoo nañu ci génnee ko ci seen ñaari téere yi gën a wér]

Yonnente bi -yal na ko Yàlla dolli xéewal ak mucc- da daan muslu ci Yàlla ci ñent, ginnaaw taaya ju mujj ji, njëkk ñuy sëlmal ci julli gi, mu digal nu nuy muslu ci Yàlla ci yooyu, Bi ci njëkk: ci mbugalum bàmmeel. Ñaareel bi: ci mbugalum sawara ëllég bis-pénc. Ñatteel bi: ci fitnay dund ci bânnexi àdduna yi nu araamal, ak lënt yi yiy réerale, ak fitnay dee, maanaam waxtuy sukuraat, ci géng wolif lislaam mbaa sunna, walla fitnay bàmmeel niki laaji ñaari malaaka yi. Ñenteel bi: fitnay Al-Masiihud-Dajjaal miy génn ci mujjug jamono, Yàlla di ci nattu ay jaamam; da koo jagleel cig tudd nag ngir màggug fitnaam ak i réeralateem.

<https://sunnah.global/hadeeth/wo/show/3103>

